

禮念觀世音菩薩求子疏文

伏以

觀音大士，誓願洪深，法界有情，等蒙攝受。

善根未種未熟未脫者，令其即種即熟即脫。

應以何身得度者，即現何身而為說法。

良由大士無心，以眾生之心為心；

大士無念，以眾生之念為念。

故得慈起無緣，悲運同體。如皜月之普印千江，若陽春之遍育萬卉。

遍塵剎感，無求不遂，有願皆從也。

信女○○○同信士○○○痛世道之危岌，愍人心之陷溺，愈趨愈下，了無底止。仰冀

觀音大士賜我福德智慧之子，以期將來窮則獨善，以倡導於一鄉；達則兼善，挽狂瀾於既倒。特立三約，以為先容：

一、保身節欲；

二、敦倫積德；

三、胎幼善教。

勉行此三，以期無負大士之洪慈也。

又祈四海內外，一切同人，咸息惡心，咸發善念；

咸生福德智慧之子，咸體普覆並載之仁。

視鄰邦如手足，以天下為一家。互相維持，不相侵暴。

以期上慰乾父坤母之洪恩，下符與天地併稱三纜之人名。

轉大亂為大治，普天同慶；

暢佛化於兩間，萬國咸寧。

唯願菩薩，普施無畏，愍我愚誠，滿我所願。

信女○○○○百拜上呈

信士○○○○百拜上呈

天運歲次 年 月 日